

III.

Erklerung aus
Gottes Wort / vnd kurzer be-
richt / der Herrn Theologen / Welch-
en sie der Erbar[n] Sechsischen Stedten
Gesandten / auff den Tag zu Lüne-
burg / im Julio dieses 61. Jars
gehaltē / fürnemlich auff drey
Artifel gethan haben.

Was das Corpus doctrinae belanget / dars
bey man gedencet zu bleiben.

Von der Condemnation, streitiger Lehr-
puncten vnd Secten.

Von der Bepstlichen Jurisdiction, Vnd das
er die vnsern zu seinem vermeinten Concilio, sich
vnterstehet zuberuffen.

Galat. 5.

En wenig Sawrteig / verseuret den
ganken Feig.

Gedruckt zu Thena durch / Do-
natum Richzenhann.

M. D. LXI.

Einleitung

Der Herrscher

Der Reichstag

Der Adel

Der Klerus

Der Bürger

Der Bauer

Die Landesverfassung

Die Landesverwaltung

Die Landesjustiz

Die Landesfiskalverwaltung

Die Landesmilitärverwaltung

Die Landespolizei

Die Landesbildung

Die Landesökonomie

Die Landesreligion

Die Landeswissenschaft

Die Landesliteratur

IXI

1811



Vorrede.

Dieses Conuentum zu
Lüneburgk / haben die Er-
barn Sechsischen Stedte /
keiner andern vrsach ange-
setzt vnd gehalten / Denn das
sie als frome Christliche Oberkeit / aus ob-
ligender ierer schuldigen pflicht / in der be-
trübten bösen zeit / da Papisten vnd Kot-
ten gewlich stürmen / toben vnd wüten /
das reine Liecht der ewigen erkandte war-
heit / widerumb gar auszublafen / oder ja
zuuerdunckeln / von herzen gern / wider
solch fürnehmen / mit den iren bey Gottes
Wort wolten bleiben vnd verharren.

W Eil denn darzu kein ander radt noch
mittel ist / denn welchen Gott von Himmel
selbst gegeben / vnd in seinem Wort fürge-
schrieben / das man an der stimme Christi
allein fest halte / vnd aller frembder stim-
me von herzen feind sey / dieselbige mit al-
lem ernst fliehe vnd verdamme. So haben
vnsere Herrn / fürnemlich auff die beide Ar-
tikel / mit vns iren Theologis vleißig in al-

Iohan. 10.

Psal. 26.

13. vñ 139.

A ij

ler Gots

ler Gottes furcht geradtschlagt. Erstlich
was das Corpus doctrinae belanget / dar
bey man gedencet in vnsern Kirchen / mit
hülff des Allmechtigen zu verharren. Zum
andern / Was da belanget die Condemna
tion / streitiger Lehr puncten vnd Secten.
Vnd denn zum dritten auch / dauon vnser
Christliches bedencen erfordert / was da
belanget die vermeinte Obrigkeit vnd Iu
risdiction des Paps zu Rom / welch vn
ser bedencet wirren Erb: W. trewlich mit
geteilt haben / wie vnser von Gott aufer
legtes Ampt erfordert.

•sc. 9. DNezweuel werden aber vnser Pa
pisten nu vber die massen rhümen vnd ju
biliren / das aus vnserm mittel / wir selbst
so viel Secten namhaftig machen / wel
ches sie der reinē Lehr / weil die armē Bett
ler sonst aus gutē grundt dawider nichts
mehr haben auffzubringē / zu einer grossen
schmach trefflich anziehen / vnd also mit
Gottes zorn / darunter freilich der höchste
ist / Das er vmb vnser aller vndanckbar
keit willen / Kezer vnd Schwermer schick
et / auch iren eitel hohn vnd spot treiben /
wie solcher frömblich vnd löblichen Kin
der art vnd weise ist / Als Salomon sagt:
Prover. 2. Exultant in rebus pessimis. Danit

DAmit sie denn ja volle freude vnd
lust haben/ So wollen wir jnen auch hies
mit gedanken volauff vnd vrsach genug
dazu geben. Vnd bitten erstlich freundlich/
sie wollen alle diese vnd andere Schwerz
meren im grundt vnd wol betrachten. So
werdē sie fein mit den hendē greiffen/ was
diese Secten vnd andere Ketzereien/ ein je
de in sonderheit ist/ Das sind die Papisten
auff einē hauffen alles zu mal in der Heu
betsachen.

DEnn von der Rechtfertigung des
armen Sünders / Lehren sie wieder die
Schrift/ Vergebung der Sündē im blut
vnd verdienst Christi / sey nicht allein die
Gerechtigkeit für Gott zum ewigen Lebē.
Sondern iustitia infusa & inhærens. Das
leret Siander auch.

VOn guten Wercken leren die Papi
sten wider die Schrift/ das sie zur Selig
keit von nöten sind / Also das durch den
Glauben/ one gute Werck selig zu werden
ganz vnmöglich sey / das leret Maior
auch.

VOn Abendmal schwermen sie/ das
auch auffer vnd wider die klaren wort der
einsatzung Christi / man dennoch dauon

recht glauben / vnd damit handeln müge/
Das thun Zwinglius vnd Caluinus
auch.

Vber dem Chorrock vnd andern Cere
monijs halten sie also steiff vnd fest / das sie
darüber wider Gott vñ die Christliche frei
heit / auch die fromen vnschuldigen verfol
gen / vnd betrüben / Das thun die Adia
phoristen auch / wie sie den Lutherus dar
umb Nittyrannen schilt im büchlin von
beiderley gestalt des Sacraments / auff
des Bischoffs von Meissen Mandat / etc.
Das mügen sie lesen.

Vn Freien willen leren sie / Der
Mensch könne sich wol selbst schicken vnd
bereiten / in seiner bekerung zur gnade Got
tes. Vt ei Deus subsequens gratiæ tribuat ad
iumentum. Das lehren die Pelagianer vñ
vnserer Synergisten auch.

Die heilige Tauff hat inen nicht allei
ne / nach des H Erren einsatzung müssen
ein seliges Badt sein / vns von sünden zu
reinigen / sondern haben auch daraus ge
macht ein Glockenbadt / der Wiederteuffer
nennet es ein Hundsbadt.

Der Papst vnterstehet sich auch wol
mit gewalt / Keiser vnd König auff vnd
abzusetzen /

abzusetzen/das thete der Mänker vnd die
Wiederteuffer auch.

Die Papisten nemen eine Creatur o-
ne Gottes geheis / befehl vnd einsetzung/
als Wachs/öhl/Saltz/Wasser/Kreuter
etc. vnter stehen sich derselbigen andere vnd
besondere krafft zu gebē / mit Gottes wort
vnd seinem Namen / das thun die Hexen
vnd Zauberinnen auch .

Za sie gebē für / die vnschuldige arme
Creatur sey vom Teuffel besessen/darumb
beschweren sie das öhl / Wasser etc. den
Teuffel heraus zutreiben. Also raset keine
Zauberinne auff Erden nicht.

Item die Papisten leren / alle Rechten
sein im schrein des Bepstlichen herzen/
vnd was der mit seiner vermeinten Kir-
chen vrtheilet / das sol eitel Geist sein / da-
rumb kein irthum noch lügen / Das thun
die Enthusiasten auch.

Sie leren / die Kirch vnd samlung der
Glaubigen / sey elter denn Gottes wort/
vnd vber Gottes wort. Daraus volget/
das entweder die Kirche Gottes Volck sey
one Glauben / das helt Epicurus auch.
Oder dz der Glaube kome nicht aus Got-
tes wort. Contra illud. Rom. 10. Fides ex auditu.
Das leret Stenckfeldt auch. Das

Das aber dabey gleichwol ein jder sei-
ne eigene sondere grillen auch hat / was
sicht ons das an? Ist darumb nicht ge-
sündiget / das einer gröber vnd greifflicher
sündiget denn der ander? Ist darumb einer
nicht ersoffen / das er in einer saulen Bach
oder Rein / vnd nicht in dem grossen offen-
baren See ersoffen ist.

Rhümet derhalben rhümet nun lie-
ben Papisten / vnd küzelt euch nur wol v-
ber vnser vneinigkeith / Bedenckt aber da-
bey wie rhümlich es stehet / das ein Esel de
andern einen Sacktreger heist / vnd jr an-
dern Leuten auffrückt / des jr selbst am al-
ler höchsten schuldig / vñ darinnen jr ganz
vnd gar ersoffen seid.

Im andern / Vnd was hilfft denn
auch die armen Papisten / wenn sie gleich
rhümen / das so viel Secten aus vnserm
teil entstanden sind. Daraus werden sie
noch lang das nicht beweisen / welches sie
arme einfeltige Leute gern bereden wolten /
das darumb bey vnserm teil nicht Gottes
Wort noch die ware Christliche kirche sey.
Wir wissen es Gott lob besser vnd viel an-
ders. Nemlich / das von wegē der vndanck-
barkeit der schendlichen Welt / vnd denn
von

von wegen des grimmigen zorns des leidigen
Teuffels / es eben allezeit also ergangen / wo
die reine lehr ist / da wil der leidige Teufel auch
sein / mit seinen Kotten vñ Secten. Darumb
auch Christus saget / eben zu den jenigen die
er persönlich selbst mit Gottes Wort vnder-
richtet hat / Hütet jr euch für den falsche Pro-
pheten / Matth. 7. Denn eben aus euch selbst
saget Paulus / Acto. 20. Werden auffstehen
Männer / die verkerete Lehr redē / Ja aus vns
spricht Johannes der liebste Jünger Christi /
sind die gewlichen Kezer ausgegangen / 1. Jo-
han. 3. Vñ sehet der Feind sein vnkraut in kei-
nen besondern Acker / leret Christus Matth.
13. Sondern eben in denselbigen Acker / darein
der fromme liebe Hausuater seinen gute Sa-
men wirfft.

Vnd wer wolte es auch dem armen Teufel
raten / das er aussere der Kirchen / in seinem ei-
genen Reich / im Papstumb / vnter Jüden /
Fürcken oder Heiden / solte lermen vnd vnru-
he anrichten / Er thut es nicht sagt Christus /
Luc. 11.

Solte nun folgen vnd War sein / das da
kein Gottes Wort noch rechte Kirche were /
wo viel Secten entstehen / so müste Christus
mit den lieben Aposteln verdampt sein / das
B sie

sie wider Gottes wort geleret / noch sie mit irē
zuhörern / die rechte Kirche gewesen werē / weil
sie beides bekennen. Eben aus inē sein die gresw
lichen Ketzer komen / vnd an keinem ort mehr
iren zorn bewiesen / den vnter denē die sie gele
ret vnd vnterrichtet habē mit Gottes Wort.

Ist derhalben wider die Papisten eben dz
ein grosser trost / das Gottes wort / vnd die lie
be Kirche noch bey vnserm teil sein mus / weil
der leidige Feind / mit so viel mancherley Sec
ten nicht auffhöret zu toben vnd zu wüten.

Ist auch also gewis / wenn die Papisten
vns der mancherley Secten halben behönen /
das sie Christum vnd die Kirchen zu ewigen
zeitē behönen / Wollen der groben greifflichen
lügen geschweigen / die sie daneben zu mehr
malē wider vns dichten / darinē Staphylus
der abtrünnige verleumbder ein rechter aus
bund vñ Meister ist / Etlichen vnserer kirchen
darff schuld geben / als leugnetē sie / das Chri
stus warhafftig zur helle gefarē / vñ daher die
selbigē Infernales geheisse / Welcheser mit war
heit nimmermehr wird beweise noch aufbringē.

Endlich aber / so aus diesem allem die Pa
pisten nu wissen wollen / was der rechte namē
irer Ppstlichen Römischen Kirchen sey / so le
sen sie vleissig Johannem in seiner Offenba
rung. Also werden sie sein vnd in der warheit

finden/das die Römische Kirche / welche sie/
wie alle Heuchler von anfang der welt gethan
falschlich Catholicam nennen/die rechte Babilon/
das geheimnis ist / vnd die mutter aller
schwermerey oder Geistlichen hurerey / vnd al
ler Grewel auff Erden. Die druncken ist vom
blut der Heiligen vnd zeugen Ihesu / eine be
hausung der Teuffel / ein beheltnus aller vn
reinen Bögel / der Sünde reichen bis in den
Himmel/welche die Erden mit irer Hurerey vñ
Abgöttischen lehr verderbet hat. Sie dichten
wir nichts / Gottes wort redet es / vnd ist dro
ben mit den mancherley vielen Sectis bewiesen
die allezumal etwas haben von der Bepst
lichen art. Kunden auch / vnd wollen es / ob
Gott wil / zu jeder zeit / wo man es fordert/
weiter verfleren vnd darthun.

Was nun frome hertzen sind / die lassen
Papisten mit den Schwermern iren Himmels
genossen vnd Religions verwandten fahren/
seuffzen mit vns zu Gott dem Vater vnser
HERRN Ihesu Christi / das er beiden steuren
vnd wehrē / sein heiliges Wort hin furder rein
vnd lauter / bey vns vnd allen Gottsfürchtigē
hertzen / erhalten wölle. Auff das wir in seine
erkendtnis / in ewiglich mit allen auserweh
leten / preisen vnd ehren mügen / Amen.

B ij

Erklärung

Erklärung aus Gottes Wort / vnd
kurzer bericht / der Herren Theologē / Welche
sie der Erbaren Sechsischen Städte Gesand-
ten / auff dem Tage zu Lüneburg / im Julio
dieses 61. Jars gehalten / gethan
haben.

Auff vnserer Herrn der Er-
barn Städte Gesandte antragen vñ
begeren / das wir die fürgestalten Ar-
tikel bedencken vnd beradschlagen /
vnd aus gutem grundt Göttlicher
heiliger Schrift / dieselbige berichtē
sollē / was jr Erb. W. one verlesung der Ehr des All-
mechtigen / vnd mit frölicher guter Conciens möchten
darinnen thun oder lassen / Haben wir dieselbigen Ar-
tikel für die handt genomen. Vnd danckē erstlich dem
aller liebsten frommen Gott von Himmel / der vns sol-
che Christliche Obrigkeit / in der betrübten letzten zeit
bescheret hat / die nicht alleine vmb die zeitlichen wol-
fart dieses jemmerlichen Lebens / Sondern viel mehr
darumb bekümmert ist / auff das reine Lehr vnd war-
haftiges erkendnis Gottes / bey vns vnd vnsern Nach-
komen erhalten / vnd ausgebreitet werde / Damit ire
Vnterthanen nicht alleine von Gott zeitlichen Se-
gen haben / sondern wenn dis Leben ein ende nemen
wird / auch ewig mügen selig sein. Solch herz vnd ges-
müt rechter Christlicher Obrigkeit / bitten wir von
herzen / wolle der fromme Gott bey vnsern Herrn er-
halten / Jr Erb. W. sampt der Kirchen dieser löbliche
Städte vnd andern im trewlich lassen befohlen sein /
wie

wie er one zweiffel nach seiner gnedigen verheiffung
ethun wird/da er spricht: Wer mich ehret/den wil ich
wider ehren. Vnd Christus / Wer mich bekennet für
den Menschen / den wil ich widerumb bekennen für
meinem Himlischen Vater. 1. Samu. 2.
Matth 10

Zum Andern / Was die beradschlagung der für-
gestalten Artikel belanget / Haben wir dieselbigen in
Gottes furcht/wie wir wissen/das wir jm dafür an je-
nem tag antworten müssen / für die hand genommen/
vnd vns folgender meinung eintrechtig verglichen.

Auff den Ersten Artikel / was das
Corpus doctrinae belanget/dabey man ge-
denckt zu bleiben.

Wir sind in den Kirchen dieser lölichen
Sechsischen Stedt/ bey der Augspurgischen
Confession/aus Gottes gnaden/ bis daher ge-
blieben/ gedenccken auch hinfurder vns nichts auff die-
ser Erden dauon abdringen zu lassen/sondern bey die-
ser Forma doctrinae festiglich zuuerharren/wie sie aus
den Prophetischen vnd Apostolischen schrifften / des
Alten vnd Newen Testaments / auch den bewerten
Symbolis/ist zusamen getragen/in der Augspurgisch-
en Confession/so Anno 1530. der Römischē Key. Ma.
vnd dem ganzen Reich ist vberantwortet worden/
Welcher Augspurgische Confession / wir ikundt wie
zuuor/so wol als zu jeder zeit/ wie offt/ vnd wo es die
notturfft erfordert/ vnterschreiben / vnd vnterschrie-
ben haben wollen.

Damit aber menniglich auch verneme/was ver-
stands wir die Augspurgischen Confession achten vñ
halten/

halten / vnd das wir nicht vnter derselbigen schein/
neue / fremde / oder auch widerwertige meinung vnd
Corruptelen / in vnsern Kirchen verteidigen. So be-
halten wir sie in dem verstandt / wie sie in Apologia
eiusdem, nochmals in den Schmalckaldischen Articulis,
vnd endlich im Catechismo vnd andern schrifften
Lutheri seligers / aus Gottes wort explicirt / vnd ver-
flert worden ist.

Wenn denn die Augspurgische Confession / al-
le irrige Lere vnd Secten fast in specie vnd mit nas-
men condemnirt hat / Wolt es derselbigen gang vnges-
mess vnd gestrackt zu wider gehandelt sein / Wo man
vnter irem schein einigerley Corruptelen vnd sched-
liche neue Lere / wolte vngestraftt stillschweigent fur-
übergehen vnd passiren lassen. Wollen geschweigen /
was bösen namen wir der Augspurgischen Confes-
sion bey den widerwerdigen damit machen würden /
das sie ist mit warheit derselbigen würden schuld ge-
ben / vnd aufflegen / als were sie ein schedlicher Co-
thurnus vnd Deckemantel / allerley irriger falscher
Lere / welches doch die Papisten mit vnwarheit bis da-
her / vngütlich auff sie gedichtet haben / Weil dieselbi-
ge / als ihndt gemeldet ist / alle widerwertige / irrige

- Esa 54. Lere klerlich verdammet / vnd aussetet.
2. Tim. 2. So hat ja der liebe Gott alle Dienern seines Worts
Ad Tit. 2. aufferlegt / das sie nicht alleine recht lehren / sondern
Iohan. 10 auch die Verfährer / vnd irthum widerlegen vnd stras-
Gal. . . ffen sollen. Die Zuhörer aber sich zu Gottes wort als
2. Tim. 2. lein halten / die frembde stimme fliehen / was ein ander
2-Cor. 6. Euangelium prediget verdammen. Vnd insumma /
2. Iohan. 1, von solchen Leuten sich ensiehen / mit inen in sachen /
die Lehr vnd das gewissen belangend / keine gemein-
schafft

schafft haben sollen / die nicht bey reiner Lehr allein
festiglich bleiben.

Wissen derhalben hierinnen vnsern Herrn vnd
Obern anders nicht zu rhatē / wo die Lere bey vns rein
bleiben sol / den das sie Gottes rath vñ befehl trewlich
vleißig volgen / bey der Augspurgischen Confession al
so verharren / das sie allen vnd jeden Corruptelen mit
vns / aus Gottes wort widersprechen / dieselbigen jzt /
vnd in künfftiger zeit verdammen / vnd von der Aug
purgischen Confession namhaftig aussetzen / vñ sich
zubeschönung derselbigen / in keinen weg bereden oder
führen lassen / auch nicht achten / wie gering etliche
dieselbigen machen / vnd achten wollen / Sondern das
jenige zu gemüt führen / so Paulus saget / Ein wenig
Sawerteig / verseuret auch den ganzen Teig.

Auff das aber niemandt gedencke / wir machen vn
nüs gezenck / beschuldigen viel fromer Leut falscher ir
riger Lehre / one schuldt vnd wichtige vrsachen. So
wollen wir die fürnemsten Corruptelen erzelen / wei
sen vnd anzeigen / welcher mas vnd gestalt / dieselbige
der Augspurgischen Confession / in massen sie in der
Apologia euudem Schmalkaldicis Articulis, vnd
Schriften Doctoris Martini Lutheri seligers / aus
Gottes wort declarirt ist / entgegen vñ zu wider sind.
Vnd damit vnsern Herrn auff den andern fürgestat
ten Artikel kurzen bericht thun / Denn dauon in an
dern vnsern Confessionibus vñ Schriften weitleuff
tige verflerung geschehen / welche wir hiemit wollen
repetiret haben.

Auff den Andern Artickel / Von

der Condemnation streittiger Lehr /

Puncten vnd Secten,

WJr

W Ir wollen alhie nicht allerley Secten
erzelen / Als Widerteuffer / Schwefeltiste /
Seruetianer / vnd dergleichen. Weil diesel-
bigen sich öffentlich von der Augspurgischen Confes-
sion abgesondert habē / Sondern allein von den Cor-
ruptelis anzeigung thun / die sich vnter dem schein der
Augspurgischen Confession ausgeben / vnd doch mit
derselbigen vnd Gottes Wort streittig sind / Vñ sind
diss die fürnemsten / darüber sonderlich diese zeit gros-
ser streit ist.

Von den Osiandristen.

In vierdē Artikel / von der Justification
oder Rechtfertigung des armen Sünders für
Gott / leret die Augspurgische Confession also /
Docent quod homines non possint iustificari coram
Deo proprijs viribus, meritis aut operibus, sed gratis
iustificentur propter Christum per fidem. Cum cre-
dunt se in gratiam recipi & peccata remitti propter
Christum, qui sua morte pro nostris peccatis satisfecit.
Hanc fidem imputat Deus pro iusticia coram ipso,
Rom. 3. & 4.

Dieser Artikel wird also inder Apologia declar-
rirt / Hæc fides specialis, qua credit unusquisq; sibi re-
mitti peccata propter Christum, & Deum placatum &
propitium esse propter Christum, consequitur remis-
sionem peccatorum, & iustificat nos, &c. Vnd hat die-
se meinung starcken grundt in der heiligen Schrifft /
Wie derselbige in der Augspurgische Confession nam-
haftig wird angezogen / aus der Epistel zu den Rö-
mern / Cap. 3. & 4. Alda Paulus klerlich heist / gerechte
fertiget

fertiget werden / Vergebung der vngerechtig-
keit haben / vnd das die Sünde vmb Christi
willen bedeckt / oder nicht zugerechent wird.

Wider diesen hellen grundt / der Augspurgischen
Confession vnd heiliger Schrift / hat Osiander von
der Rechtfertigung also geleret. Das vnser Ge-
rechtigkeit für Gott / nicht sey vergabung der
Sünden vmb Christi willen / Sondern sey
nichts anders / als die wesentliche Gerechtig-
keit Gottes / so in vns wonet / vnd vns recht
zuthun beweget. Hat also rein gar ab / die meinung
der Augspurgischen Confession vñ Gottes Wort ver-
leugnet / verworffen vnd verdammet.

Was aber zu solcher greifflicher grober Irthum
beschönigung / von etlichen vermeinter weis (wissen
nicht aus was ursache) werde fürgegeben / ist vns vn-
uerborgen / Nemlich / als solte Osiander allein die in-
wonende Gerechtigkeith / so den mensche recht zuthun
beweget / zubeweisen / oder dis zu erhalten Loca imper-
tinentia. Das ist / vnbequeme ort der Schrift haben
angezogen / Das die Gleubigen auch solche iustitiam
inhabitantem / bekommen. Welchs aber daraus wol ab-
zunemen / mit was vngrunde solchs gedichtet wird /
weil ja in vnsern Kirchen / wie Osiander selbst bekennet /
die iustitiam inhabitantem niemandes geleugnet /
viel weniger jemals angefochten worden / Das Gott
in vns nicht solte wonen vnd wircken / Sondern hiez
von ist der streit gewesen / Was da sey die Gerech-
tigkeit für Gott / derhalben ein armer Sün-
der ewig selig ist.

E

Nach

Nach dem dan an diesem Artickel aller Welt Heil
vnd seligkeit gelegen/ vñ derselbige das höchste Heubt
gut ist der ganzē Christenheit/ wissen wir solche grew-
liche verkerung vnd verfelschung. Siandri vnd seiner
verwandten nicht zu leiden/ sondern bekennen/ das es
ein verdämlicher jrthum ist / wider die Augspurgisch
Confession vnd Gottes Wort / Wie droben vermeld-
et vnd angezeigt ist.

Von den Maioristen.

Von guten wercken leret der 6. Artitel in
der Augspurgischen Confession/ also. Docent
quod fides illa debeat bonos fructus parere, &
quod oporteat bona opera, mandata à Deo facere,
propter voluntatem Dei, non vt confidamus per ea o-
pera iustificationem coram Deo mereri. Nam remis-
sio peccatorum & iustificatio fide apprehenditur, sicut
testatur & vox Christi. Cum feceritis hæc omnia, dicit
Serui inutiles sumus. Idem docent & veteres scriptores
ecclesiastici: Ambrosius enim inquit Hoc constitutum
est à Deo, vt qui credit in Christum, saluus sit sine ope-
re, sola fide gratis accipens remissionem peccatorum.

Vnd wird dieser Artickel hernach in der Apologia
offt repetiret/ vnd sonderlich in den Schmalkaldische
Artickeln mit grundt der heiligen Schrift/ gar herr-
lich angezeigt/ Das newer Gehorsam vñ gute werck
in den Christen nötig sind / vnd gewislich volgen sol-
len / Wie wir dann in vnsern Kirchen die Lehre von
guten wercken vleissig vnd ernstlich treiben.

Wir bewahren aber auch vnd behalten gar vleissig
den vnterscheid/ welchen vns die Augspurgische Con-
fession

fession lere/aus dem heiligen Ambrosio/ Das wir heil
vnd seligkeit/nicht dem angefangenen neuen Gehor-
sam vnd guten wercken/sondern dem Glaubē an Chri-
stum zuschreibē/ Das es heist/ Qui credit in Christum
saluus erit, sine opere, sola fide, gratis accipiens remissi-
onem peccatorum, &c. Dargegen aber D. Maior die
se rede geführet. Das gute werck von nöte sein
zur Seligkeit / Vnd ganz vnmüglich sey/ o-
ne gute werck selig zu werden. Welche rede nicht
allein der Augspurgischen Confession öffentlich ent-
gegen/ wie für augen / Sondern auch Gottes Wort
zu wider ist / darinnen die Exclusiua GRATIS ja so
wol stehet bey der Seligkeit/ als bey der Gerechtigkeit
für Gott / Wie Paulus spricht/ Gratia estis saluati,
non ex operibus, Vnd Petrus/ Es ist kein ander
Name gegeben den Menschen/ darinnen wir
sollen selig werden/etc. Wie derhalben diese rede
propter exclusiuam billich verdammet wird/ Gute
werck seind nötig zur gerechtigkeit/ oder recht-
fertigung für Gott. Eben der ursach ist auch diese
rede falsch vnd vnrecht/ Gute werck seind nötig
zur seligkeit. Weil sie die Exclusiuam ja so starck
hat/ beide in Gottes Wort/ vnd der Augspurgischen
Confession als die andere.

Das aber etliche dagegen sagen wollen/ Es sey ja
der Glaube nötig zur seligkeit / Der Glaub aber sey
ein werck. Ist vnser kurze antwort/ Das der Glaube
beide zu der Gerechtigkeit vnd zur Seligkeit freilich
von nöte sey/nicht aber seinet halbē/ als ein werck/ son-
dern darumb/ das er CHRIST VM appliciret mit alle
E ij seinen

seinen erworbenen gütern / Ist derhalben wie in Iustificatione, also auch in Salvatione die Proposition, Der Glaub ist nötig zur seligkeit Correlatiue zuuerstehē / Vnd könne also demnach MAIORIS propositionem vnd Lere / als eine grewliche verfelschung wider Gottes Wort vnd die Augspurgische Confession / auch keines weges billichen / dulden noch leiden.

Von den Sacramentarijs.

Daran ist kein zweiffel / das die Sacramentarij anfenglich Anno 1530. vnd nachmals von Jaren zu Jare / in öffentlichē schriftten / auch gemeinen gehaltenen Colloquijs von der Augspurgischen Confession verwandten sind abgesetzt / ausgeschlossen / vnd mit irer Lere verdammet vnd verworffen worden / darzu der zehende Artikel in der Augspurgischen Confession namhaftig wider ire Lere gestellet ist / Welcher also saget. De Cæna Domini docent, quod corpus & sanguis Christi verè adsint, & distribuuntur vescentibus in cæna Domini, & improbant secus docentes.

Vnd wird dieser Artikel also declarirt in Apologia decimus articulus approbatus est, in quo confitemur nos sentire, quod in cæna Domini verè & substantialiter adsint, corpus & sanguis Christi, & verè exhibeantur cum illis rebus, quæ videntur pane & vino, his qui Sacramentum accipiunt. Hanc sententiam constanter defendimus re diligenter inquisita & agitata. Cum enim Paulus dicat, Panem esse participationem corporis Domini, &c. Sequeretur panem non esse participationem corporis, sed tantum spiritus Christi, si non adesset verè corpus Domini.

Vnd

Vnd damit ja klarer vnterscheid sey / zwischen der
Sacramentirer vnd der Augspurgischen Confession
verwanten Lere. Ist dieser Artickel nachmals in den
Schmalkaldischẽ Artickeln repetirt mit diesen wortẽ.
Vom Sacrament des Altars halten wir /
das Brod vnd Wein im Abendmal / sey der
warhafftige Leib vñ Blut Christi / Vnd wer
de nicht allein gereicht vñ empfangen von frö
men / sondern auch von bösen Christen.

Weil dann solche declarationes, wie sie in schriff
ten Lutheri seligers weiter sind ausgefüret / die Sacra
mentarij keines weges annemen / ja noch heut zu tage
mit vielen schmelichen wortẽ vnuerschampt zum
grewlichsten lesteren vnd schenden. Ist wol daraus ab
zunemen / das sie aus der Augspurgischen Confession
einen frembden vnd ganz widerwertigen verstandt zu
machen / dieselbige damit bösslich zu corrumpiren / vnd
dann vnter dem schein auch jr giffet in vnserẽ Kirchen
vnter frome einfeltige hertzen auszugießen / vnd allent
halben auszubreiten fürhaben / etc.

Aber wider solche verdampfte schwermeren / be
halten wir die rinee Lehr / wie sie aus Gottes wort in
der Augspurgischẽ Confession / Apologia eiusdem in
den Schmalkaldischẽ Artickeln vnd schrifften Lutheri
seligers / trewlich ist zusammen getragen / Nemlich / das
Brod vnd Wein im Abendmal / wo es nach der einsez
ung Christi gehalten wird / seind der ware wesentliche
Leib vnd Blut Christi / Nicht der gestalt / das Brod
vñ Wein verwandelt werde / Sondern das vnter dem
Brod vnd Wein / oder in dem Brod vnd Wein / war
hafftig gegenwertig sind / mit der hand gereicht / vnd

mit dem munde entpfangen werde / von gleubigen vñ
vngleubigen / der ware / wesentliche vnd natürliche
Leib Christi Ihesu.

Verwerffen vnd verdammen dagegen alle Sacra-
mentarios alt vnd newe / Auch aller der jenigen Scrip-
ta, die ambiguis interpretationibus den Sacramenta-
rijs helfen / vnd klaren vnterscheid vnserer vnd irer
Lehr verdunckeln wollen / Denn worauff solchs ges-
schehe / können wir wol erachten.

So viel aber ire nichtige faule treume belanget /
darauff sie ir schwermerey setzen vnd gründen / Wollē
wir dagegen die Herrlichen schönen Confessiones vñ
Schriften Lutheri seligers vnd andere / so von
etlichen der vnsern auch andern in den Truck gegeben
sind / hiemit repetiret haben.

Von den Adiaphoristen.

Von den Mitteldingen vnd Ceremonien
leret die Augspurgische Confession in Articu-
lo 15. also. De ritibus Ecclesiasticis docent,
quod ritus illi seruandi sint, qui sine peccato seruari
possunt, & prosunt ad tranquillitatem & bonum ordi-
nem in Ecclesia, sicut certæ feriæ, festa & similia.

De talibus rebus tamen admonentur homines,
ne conscientia onerentur, tanquam talis cultus ad salu-
tē necessarius sit, &c. Vñ titulo de potestate ecclesiasti-
ca. Tales ordinationes conuenit Ecclesias propter cha-
ritatem & tranquillitatem seruare eatenus, ne alius ali-
um offendat, vt ordine & sine tumultu omnia fiant in
Ecclesijs, verum ita, ne conscientia onerentur, vt du-
cant

cant res esse necessarias ad salutem, ac iudicent, se peccare cum violant eas sine aliorum offensione, sicut nemo dixerit peccare mulierem, quæ in publicum non velato capite procedit, sine offensione hominum.

Bei dieser gemeinen Regel bleiben wir/lassen eine jede Kirchē noch ihrer gelegenheit ihre Ceremonias ordnen oder abthun/vnd so fern ohn ergernis dasselbige geschehen mag/ ihrer Christlichen freiheit darinnen nützen vnd gebrauchen.

Das aber ist alhie die frage/ Ob zu der zeit der verfolgung/wan die Feinde öffentlich die reine Lere schēden vnd lestern/auch bekennen/ sie gehen damit vmb/ das sie dieselbigen wollen abthun / falsche irrige Lere aber/ vnd den Antichrist widerumb in unsere Kirchen einsetzen. Ob in dem fall man in Ceremonijs vnd eusserlichen/an inen selbst geringen dingēden widerwertigen mit guter Consciētz weichen möge/ ohn gefahr reiner Lere für Gott/ vnd Christlicher freiheit.

Paulus bekennet frey/die Beschneidung sey nichts / die Borhaut auch nichts/ 1. Corinth. 7. So sey beides dem Herren gethan / wer eine zeit für die andern/vnd wer eine nicht für die andern halte. Item wer allerley speiß esse oder nicht esse/ Rom. 14.

Widerumb aber saget vnd rühmet er/ das er nicht eine stunde habe den falschen Lerern in solchen Aduersariis weichen wollen/ Darumb auff das die warheit des Euangelij bestünde/ Gal. 2.

Ist nu diese angezogene ursach war vnd wichtig genug/wie sie ohn allen zweiffel ist/ So kan vnd mus die

Die warheit des Euangelij nicht bestehen/wo man den Feinden vñ widerwertigen der Lehr weicht vnd nach gibt. Wie er dann auch getrost eben von Petro / der doch mit andern Aposteln für eine Seule ward angesehen/vrtheilet an demselbigen ort/vnd spricht. Petrus hab darmit nicht mehr richtich nach der warheit des Euangelij gewandelt/da er den jenigen zugefallen gemeiner vnd allerley speise nicht gebraucht/welche diese falsche Lere wolten in die Kirchen führen/ Das nicht der Glaube allein selig mache/sondern man muste auch das Geseze haltē/ etc. So doch Petrus ohn zweifel weder diese falsche irrige meinung derselbigen widerwertigen jemals gebilliget/ noch die reine Lehr öffentlich seines erachtens/vñ seiner meinung nach/hat fallen lassen/ etc.

Darumb ohn zweiffel insolchem fall / da die widerwertigen vnd Feinde reiner Lehr hiemit vmbgehē/ das sie dieselbigen auffheben / vnd falsche irrige Lehr einführen mügen / die jenigen / die solchen in Ceremonien vnd an jnen selbst ganz geringen dingen weichē/ behalten damit / nach dem vrteil Pauli vnd Gottes worts/nicht die reinē Lehr/Sondern thū vñ handeln grewlich dawider / Ob sie gleich nicht öffentlich das Euangelium verwerffen / noch grobe greiffliche irthum vnd Abgötterey auffnehmen.

Also saget er auch Gal. 4. Er habe sorge / all sein arbeit sey verloren/Darumb das sie Tage / Monden vnd Jarzeit hielten. Vnd Gal. 5. Last jr euch beschneiden/ so ist euch Christus kein nütz.

Aus welchem allem wol abzunemē/vnd klar ist/was grewlicher Sünde die jenigen begangē / die in der zeit der verfolgung in Ceremonijsvergleichung gesucht/vñ gewi-

gewichen sind/ Vnd das solcher handel nicht auff jrer
gutmeinüg stehet/ Sondern hie stehet/ Gottes gerichte
vnd vrtail vber sie/ das sie an reiner Lehre/ an Christo
dem Herren/ ja mit grewlichen vielen ergernissen/ wi
der die Augspurgische Confession/ wie droben angezo
gen / vnd an der armen Kirchen böflich vnd vbel ges
handelt haben.

Wollen geschweigen/ das sie hiemit auch grewlich
wider die Christliche freiheit gethan/ Davon Paulus
saget/ Ir seid theuer erkauft/ werdet ja nicht der Men
schen knecht/ 1. Corinth. 7. vnd Gal. 5. Bestehet in der
freiheit / damit vns Christus befreihet hat / vnd laffet
euch nicht widerumb in das Knechtische Joch fangē/
da wider die Adiaphoristen die Kirchē widerumb auch
in solche dienstbarkeit geführt. Das sie vmb eines hei
losen Chorocks willen/ frome/ alte / woluerdiente/ ge
lerte/ trewe Diener/ aus irem von Gott ordenlichem
beruff/ wider der Kirchen weheklagen/ bitten vnd fle
hen/ eben zur zeit/ da der Wolff vnd höchste gefahr
färhandē/ ins elendt geiagt/ etliche verstrickt vñ einge
zogē/ in summa/ erbermlich vñ jemmerlich gehandelt.

Aber welches das grewlichste ist/ wird solche grau
same Sünde izundt noch gelobet vnd gerhümet/ das
mit es vielleicht auch vnser Nachkomen lernen vnd
nach thun/ zu welchem wir nicht schweigen / sondern
dasselbige straffen sollen vnd müssen/ Damit mennig
lich verstehe/ das solches wider Gottes Wort vnd die
Augspurgischen Confession gröblich/ greulich gesün
diget ist.

**Von den Synergisten vnd
Freien willen.**

D

Es

L hat Lutherus seliger gedechtnis diesen handel vom freien willen / der massen mit gutem grund der heilige Schrifft aus dem fundamentis extruirt. das wir wenigens nicht gehofft hettten / denn das darüber einige zweispalt solte erregt worden sein. So ist er sein klar vnd vnterschiedlich in Augustana Confessione Artic. 18. gehandelt / auch in apologia dermassen verfleret das billich ein jeder frommer Christ damit solte zu frieden sein. Weil aber das von newe Certamina mouirt, wollen wir kurzen besicht dauon geben / auff das menniglich verstehe / wie fern vnd weit darinnen nach Gottes Wort vnd der Augspurgischen Confession gehandelt ist.

Vnd ist hie nicht die frage dauon / Was der Mensch nach der bekerung / durch wirkung des heiligen Geistes vermöge / da on zweiffel / wo der Mensch on alles recht erkentnis Gottes vnd seines willen ewiglich bliebe / freilich keine bekerung / viel weniger einige kraft vñ wirkung des heilige geistes vñ Ministerij were.

Diss aber ist fürnemlich der handel vnd die Frage / Was des Menschen krefft vnd vermögen dar zu thun / das er bekeret werde / vnd gleube?

Hie ist nu in öffentlichen Druck diese meinung ausgebreitet worden / Quod liberum arbitrium sit facultas adplicandi se ad gratiam. Item, Quod spiritus sanctus fidem accendat in nobis non repugnantibus, sed obedire conantibus, quantum in nobis est. Item Quemadmodum doctrina attendendo intelligi, ita assentiendo obtemperari aliquo modo possit.

Mit welchem worten dem Menschen vber alles verderben der natur so viel wird gegeben / das nicht allein seines vermögens sey / dem Wort nicht zu wider streben /

strebē / Sondern auch das er mit vleissigem nachdencken
en dasselbige verstehen mit volwort etlicher massen ge
horsamen müge / vnd selbst mit wircken zu seiner be
ferung.

Vber dis das nu Augustinus diese propositiones
klerlich vnd öffentlich den Pelagianis zu schreibet /
vnd copiose mit vielen herrlichen zeugnissen der heis
ligen Schrift gewaltig refutirt / vñ wider leget / Con
tra duas Epistolas Pelagianorum, Lib. 1. cap 19. vnd
Lib. 4. cap. 6. so wol als an andern sehr vielen örten.
So ist auch dieser irthū öffentlich wider die Augusta
nam Confessionem. Denn also saget dieselbige artic
5. Spiritus sanctus efficit fidem, vbi & quando Deo vi
sum est in ijs qui audiunt Euangelium. In welche wor
ten allein dem heiligen Geist vnd Göttlichen willen /
vnd mit nichten auch dem Menschlichen willen gege
ben wird / das er den Glauben wircke / wie die Kinder
im Catechismo Lutheri vber den dritten Artickel vn
sers Christlichen Glaubens von der Heiligung auch
zu berichten wissen.

Vnd weil dieser Artickel gar herrlich vnd schön /
in der dreier Erbar Stedte bekandnis / vnd Christlich
en erklerung auff's INTERIM durch Doctorem Epi
num seliger gedechtnis / mit Gottes wort ausgeführet
ist / in dem Titulo, Von der weise / durch welche der
Mensch die Rechtfertigung bekomme / Wollen wir den
selbigen hiemit anziehen.

Wenn der Mensch hundert Jar alt / vñ der verstän
digste auff Erde würde / dennoch kan er aus / vnd durch
sich selbst / one dis gnedige ziehen des Himlischen Va
ters / dem Euangelio nicht glauben / vnd den Herren
Christum annemen / denn das Euangelium ist den

Weisen eine Thorheit / vnd der Herr Christus ein erz
 1. Cor. 1. gernis / So ist auch die vernunft vnd die ganze Welt
 in Geistlichen sachen eitel finsternis / vnd ist der Men
 Iohan. 1. sch für der zeit / ehe er durch den Vater gezogen wird /
 1. Cor. 2 in dem Reich der Finsternis / vnd in des Teuffels ge
 Eph. 2 2 walt / vnd kan ja so wenig als ein Bloch durch sein vn
 2 Tim. 2. bewegligkeit / vnd ein Schwein durch seinen vnuer
 Ezech. 11. stand zu dem Euangelio vnd Reich Christi komen /
 36. durch seinen freien willen / Denn des Menschen na
 türliches verstand vnd wille / vnd die ganze sapientia
 carnis ist feindschafft / rebellion wider Gott / vermag
 sich auch nicht vntertänig zu machē / dem Geist Got
 tes vnd seiner Lere / Rom. 8.

Das Gott den Menschen nicht ziehe als einen
 Bloch / vnd das ein wille sey in den Menschen / der in
 dem Bloch nicht ist / wissen wir wol / wir sagen auch /
 das Gott der Herr durch sein ziehen / die vnwilligen
 willig mache / vnd so das Gott durch seines Heiligen
 Geistes gnade nicht thete / das der natürliche Mensch
 ohne Gottes gnade / Christum vnd sein Euangelium /
 je so wenig annemen würde / als der Bloch / widerstre
 ben aber köndte im der Mensch wol / das der Bloch
 nicht thun kan / etc.

Dis sind fast die fürnemsten Corruptelen / dauon
 ihiger zeit vnter den jenigen / die sich eines guten teils
 vermeintlicher weise zu der Augspurgischen Confessi
 on bekennen / der streit ist / dauon in vnsern Confessi
 onibus vnd öffentlichen schrifften für der zeit mehr be
 richt geschehen / welche wir beineben den scriptis
 Lutheri seliger gedechtnis / hiemit pro repetitis ist vn
 allezeit wollen angezogen haben. Haben aber ihunde
 allein für den statum controuersiarum vnsern Her
 ren

ren vnd Ob:rn weisen/vnd jr Erb. W. so wol als men-
niglichen berichten wollen / das solche controuerſiæ
mit nichten zu der Augspurgischen Confession könne
oder mögen gezelet werden. Sondern gewliche / ges-
fährliche / ja verderbliche / schedliche irthum sind / wie
der die Augspurgische Confession / so wol als Gottes
wort für allem.

Vnd sind hiemit erbötig / wenn vnd wo es vnser
Herrn vnd Ob:rn erfordern werden / gegen mennig-
lich derhalben fürzukomen / schriftlich oder mündlich
antwort zugeben / vñ vns in aller massen zu verhalten
wie vns Gott auff erlegt hat / 1. Pet. 3. Seid erbötig
allezeit zur antwortung jederman / der grundt fordert
der hoffnung die in euch ist.

Das wir aber auch solche Corruptelas condemni-
ren / wird vns niemandt verdenecken / weil wir ernstlich
en befehl haben von Gott / das böse vom guten zu vns
terscheiden / falsche irrige Lere zu verdammen vnd zu
fliehen / Wie droben im Ersten Artickel aus Gottes
wort genugsam bericht / vnd angezeigt ist.

Jerem 15.
Esa. 54.
Gal. 1.

Auff den Dritten Artickel / von dem

das sich der Papsst vnterstehet / vnser Kirchen zu
seinem vermeinten Concilio zu erfordern.

Hierauff ist vnser kurz bedencken vnd ant-
wort / Das wir dem Papsst / als dem verflereten
vnd vberwiesenen Antichrist / nicht allein keiner
Iurisdiction so wenig als auch den vermeinten Papsst-
lichen Bischouen vber vns / vnser Christliche vnd
warhafftige Catholische Kirchen gestehen oder zu las-
sen / dieselbigen zu seinem vermeinten Concil. abulo
D iij zu oder

zu oder ab zu fordern / Sondern wir sind erbötig / da
vns ein frey Christlich vnparteisch Concilium in
Deutscher Nation würde zu gelassen / das wir in für
den Antichrist vnd Heubtfeindt vnsers einigen aller
liebsten Herren vnd Heilands Ihesu Christi / seiner
Kirchen / vnd lieben gespons / beklagen / beschuldigen /
vnd mit Gottes Wort klerlich vberführen vnd vber-
weisen wollen.

Da vns auch die Key. M. vnser aller gnedigster
Herr / vnd von Gott in zeitlicher regierung oberste ge-
gebene Oberkeit / zu einem solchen Concilio in massen
dauon lange zeit vertröstung geschehē / erfordern wur-
de / achten wir / das man sich mit vntertheniger / gebür-
licher antwort / gegen jre Key. M. billich solte verne-
men lassen.

Wir dancken dem lieben fromen Gott / der vnser
herzen in einigkeit seines Geistes / dermassen Brüder-
lichen zusamen gesezet hat / Vnd bitten vmb seines lie-
ben Sons willen / Er wolle vns mit vnsern Kirchen
in soleher eintracht / wider oben erzelete / vnd alle an-
dere irthum vñ Corruptelen bey reiner Lere seines hei-
ligen vnd allein seligmachenden Worts tröstlich er-
halten / wie wir denn dabey eintrechtig bis in vnser
Gruben zuuerharren / durch Gottes gnade entlich ent-
schlossen sind / demselbigē sey lob in ewigkeit / Amen.

Valentinus Curtius Superitendens Ecclesiae Christi,
quæ est Lubecæ,

Petrus Vrimersheim ad S. Iacobum Lubecæ Pastor.
Dionisius Schunemannus Cathedralis Ecclesiae Lube-
censis Pastor.

Christianus Haueman Minister Iesu Christi, Ecclesiae
Bremanæ ad diuum Stephanum Pastor, manu pro-
pria

pria subscripsit.
Eilardus Segebode Pastor ad S. Anscharium Bremæ
subscripsit.
Paulus von Eitzen D. Superintendens Ecclesiæ Ham-
burgensis subscripsit.
Ioachimus Vuestphalus Pastor Ecclesiæ Hamburgensis,
sua manu subscripsit.
Iohannes Kittelius Sacræ Theologiæ Doctor & Su-
perintendens Ecclesiæ Rostochiensis manu pro-
pria subscripsit.
Tilemannus Heshusius Theologiæ Doctor & Eccle-
siæ Magdeburgensis Superintendens manu propria.
Henningus Friede Pastor Ecclesiæ Magdeburgensis,
manu propria subscripsit.
Ioachimus Morlin D. Superintendens Brunsvicensis.
Martinus Kemnitz Minister Ecclesiæ Brunsvicensis.
Fridericus Henniges Luneburgensis Superintendens
Ecclesiæ subscripsit.
Iohannes Eichenbergk Luneburgensis, Ecclesiæ Dei,
quæ est Luneburgi ad sanctum Iohannem Minis-
ter, manu propria subscripsit.
M. Iohannes Frederus Superintendens Vuismariensis
legit & adprobavit,

FINIS.

Faint, illegible text, likely bleed-through from the reverse side of the page. The text is arranged in several lines and is mostly obscured by the paper's texture and age.

Faint, illegible text, possibly a signature or a date, located at the bottom center of the page.












Jf 2711

ULB Halle

3

004 768 477





III.

Erklärung aus Gottes Wort/ vnd kurzer be- richt/ der Herrn Theologen/ Welch- en sie der Erbar[n] Sechsischen Stedten Gesandten/ auff den Tag zu Lüne- burg/ im Julio dieses 61. Jars gehaltē/ fürnemlich auff drey Artikel gethan haben.

Was das Corpus doctrinae belanget / daro
bey man gedencet zu bleiben.

Von der Condemnation, streitiger Lehr-
puncten vnd Secten.

Von der Bepstlichen Jurisdiction, Vnd das
er die vnsern zu seinem vermeinten Concilio, sich
vnterstehet zuberuffen.

Galat. 5.

Ein wenig Sawrteig/ verseuret den
ganzen Teig.

Gedruckt zu Thena durch/ Do-
natum Richzenhann.

M. D. LXI.

